

庫文有萬

種百七集二第

編主五雲王

志國金大

(下)

撰昭懋文字

行發館書印務商





中華民國二十五年三月初版

* D六〇八

平

雙

撰者宇文懋昭

發行人王雲五

上海河南路

印刷所商務印書館

上海河南路

發行所商務印書館

上海及各埠

(本書校對者沈抱秋
曹謝芥塵)

大金國志卷之二十九

文學翰苑下

王若虛

若虛字從之。藁城人。承安二年經義進士。釋褐鄜州錄事。歷門山令。入翰林。自應奉轉直學士。居冷局十五年。崔立之變。羣小獻諂。爲立起功德碑。以都堂命召。若虛外爲遜辭。而實欲死守之。時議稱焉。北渡後。居鄉里。癸卯三月。登泰山。憩於黃峴峯之萃美亭。談笑而化。若虛少負海內重名。而不立匡岸。滑稽多智。而更雅重自持。誠所謂一時名流矣。

麻九疇

九疇字知幾。莫州人。三歲識字。七歲能草書。作大字有及數尺者。故所至有神童之目。章宗召見。問汝入宮中亦懼否。對曰。君臣父子也。子寧懼父邪。章宗大奇之。弱冠住大學。有聲場屋間。南渡後。讀書北陽山中。興定朱府試經義第一。詞賦第三。省試亦然。正大三年。公卿連薦九疇可試館職。乃賜及第。授大祝權。太常博士。應奉翰林文字。九疇天資野逸。高蹇自便。壬辰歲遇亂卒。

高廷玉

廷玉字獻臣。思州人大定末進士。歷章宗衛王朝甚有時名。爲人豪傑。尙氣節。一時名士多歸之。眞祐初。自左右司郎官出爲河南府治中。與知府復興屢以公事相可否。時都城受圍。使驛阻絕。復興爲安撫副使。懼廷玉謀已。乃以通逆訊之。廷玉就逮。龐才卿、雷希顏、王士衡、辛敬之皆被羅織。幾有一網之禍。比赦至。廷玉瘐死。

張萬公

萬公字良輔。東阿人。正隆二年進士。仕長山令。有惠政。人爲立祠。入爲右司員外郎。太師淄王愛之。許以宰相器。明昌初遷御史中丞。以言事忤旨。除彰國軍節度使。召爲大興尹。拜參知政事。以母老丐歸養。出判東平。河中。濟南。丁內艱。起復擢平章政事。封壽國公。爲相知大體。有敦龐若艾之目。既致政而眷顧未衰。復起判濟南。安撫山東便宜行事。未幾得請。薨謚文貞。配享章宗廟庭。

董師中

師中字紹祖。邯鄲人。後徙洺州。皇統九年進士。承安中入政府。直道自立。泰和初。元妃李氏方寵幸。兄喜兒爲宣徽使。有楊國忠之權。時有田廷方者上書云。大臣持祿。近臣怙寵。章宗覽之。顧謂怙寵者誰。時喜兒侍立。師中倒笏指之曰。謂李喜兒輩。章宗領之。師中嘗言。作相不難。但一心正。兩眼明足矣。少喜談諧。

及在相位未嘗廢談笑然不害爲名相俄致仕賜第京師薨

胥鼎

鼎字和之代州人大定中進士歷官至參知政事宣宗貞祐二年拜尚書右丞車駕南渡出爲平陽節度移知河東南路宣撫使四年授樞密副使權右丞五年進平章政事封莘國公行臺關中未幾兼左副元帥明年以溫國公致政進封英行臺衛州薨於位鼎在長安日有乞致政表云興造功業方聖主有爲之時表裏山河豈愚臣守拙之地其爲國一念可知也

張行中

行中字信輔營州人大定中進士衛王紹朝胡沙虎除名爲民賂遺權貴得復用行中言其必反及弑逆自爲太師尚書令澤王行中時爲禮部尚書人謂必爲所殺甚危之一日虎下禮部鑄鑑國寶行中持不可虎雖怒竟不敢殺也宣宗卽位授參知政事丞相高琪專權用事人莫敢仰視惟行中與之抗論朝廷稱焉

路仲顯

仲顯字伯達冀州人其母有賢行教仲顯讀書正隆五年進士明昌初授武安軍節度使雲朔用兵仲顯奉使江左還獻賜幣以佐軍未報而仲顯死章宗詔以所獻還其家夫人傅氏曰此非吾夫意復上之有

司不聽夫人付之州學買上田二千畝有奇故相馬琪時判州事聞于朝賜號成德夫人

耶律履

履字履道東丹王七世孫學通易大元至于陰陽歷數無不精究嘗以鄉賦一試有司以露索爲恥遂不就舉蔭補國史椽章宗朝遷冀州刺史入翰林爲修撰歷直學士待制禮部尚書特賜進士第俄預淄王定策功拜參知政事明昌元年進右丞薨謚文獻

王予可

予可字南雲遼西吉州人父本軍校南雲亦嘗隸籍年三十大病後忽發狂能把筆作詩文及說世外恍惚事南渡後居上蔡遇文士則稱大成將軍于佛前則諦摩龍什于道則驕天元俊于貴游則威錦堂主人爲人軀幹雄偉貌亦奇古戴青葛巾項後垂雙帶狀若牛耳一金縷環在頂額之間兩頰以青涅之指爲翠髻衣長不能掩脰故時人有哨腿王之目落魄嗜酒每入城市人爭以酒食遺之夜宿土室中夏月或屍穢在傍蛆蟲狼籍不卹也人或問其故事其應如響諸所引書皆世所無有烹茶詩云簾捲綠陰花外月玉山冰雪醉扶翁凌霄花云啼鳥倒銜金羽舞驚蛇斜傍玉簾飛張伯玉與之遊最狎壬辰兵亂爲順天軍將領所得知其名竊議欲挈之北歸館于州之瑞雲觀南雲明日見將領自言云我不能住君家瑞雲觀也越三日卒後有見之淮上者

李獻甫

獻甫字欽用，遼西人。博通書傳，精于左氏及地理之學。爲人有幹局，時人以精神滿腹目之。歷咸陽簿、行臺椽屬。正大初，夏人請和，馮子駿往議，欽用預行。夏使有口辯，馮無以折之。欽用曰：「夏國與本朝和好百年，今雖易君臣之名，而爲兄弟之國，使兄而輸幣，寧有據邪？」曰：「兄弟且不論，宋曾與吾家二十五萬匹典故，具在君獨不知邪？」金朝必欲修好，非此例不可。欽用作色曰：「使者尙忍言邪？」宋以歲幣餌君家而賜之姓，岸然以君父自居。夏國君臣無一悟者。倘如宋舊本朝，雖歲捐五十萬無不可。使者語塞，和議乃定。朝廷錄其功，授慶陽總帥府經歷，尋辟長安令，入爲尙書省掾。壬辰用兵，奏充行六部員外郎，畫守備之策。時相賴之。以功遷鎮南軍節度使。義宗東巡，死于蔡州之難。

党懷英

懷英字世傑，奉符人在孕時，母夢道士吳筠來託宿，及懷英生，儀觀秀整，如神仙。少穎悟，日授千餘言，放浪山水間，詩酒自娛，簞瓢屢空，晏如也。大定十年進士甲科，調成陽軍事判官，累官至翰林學士承旨。致仕大安三年九月終。是夕有大星隕於所居之堂，衆驚視之，而公已逝矣。謚文獻。禮部趙公秉文作墓志云：「公之文似歐公，不爲尖新奇險之語；詩似陶謝，奄有魏晉篆籀入神。李陽冰之後一人而已。」

趙秉文

秉文字周臣。遼陽人。少穎悟。讀書如夙成。大定中進士。應奉翰林文字。上書論宰相胥持國當罷。宗室完顏守貞可大用。又言獄訟征伐國之大政。自古未有君以爲可。大臣以爲不可而可行者。坐謗訟免官。起爲同知岢嵐州。轉北京路轉運使。支判官。章宗嘉其敢言。泰和二年改戶部主事。翰林修撰。兼侍講學士。轉侍讀。興定中拜禮部尚書。同修國史。知集賢院。開興中薨。

周昂

昂字德卿。真定人。大定初年二十擢第。釋褐歷南和令。遷良鄉令。入拜監察御史。路宣叔以言被斥。昂送以詩。坐謗訟停職。後仕至沁南軍節度同知。大軍至城陷。昂與其子嗣明同死于難。

大金國志卷之三十

楚國張邦昌錄

張邦昌字時彥。魏州冠氏人也。少登進士。歷任滄州教授。改國子書庫正字。通判曹州。至宣和元年。累遷至尚書右丞。改左丞。遷中書侍郎。當王黼用事。與童貫共啓邊釁。邦昌無所可否于其間。時論罪之。宋徽宗旣內禪。至欽宗靖康元年。拜少宰兼中書侍郎。金師旣破京城。勒令別立異姓。令下甚嚴。有一人云。邦昌舊任宰相。姑舉之塞責。金帥回牒云。若果舉邦昌。仰文武百官僧道軍民各親書押字。日下等守以備冊禮。時邦昌見在軍前。獨中丞秦檜進狀論列。以爲邦昌輔相無狀。不能盡人臣之節。以釋二國之難。不足以代趙氏。情願乞押赴軍前。衆人署名舉邦昌。靖康二年三月一日。邦昌入居尚書省聽令。百官班迎南薰門。邦昌臥病不食。金帥令勸進。邦昌謂王時雍等曰。諸公怕死。又掇送與邦昌邪。雖暫假而歸焉。可免禍。先是正月十五日。太宰張邦昌奉使還闕。至城外。軍前留之。及是金帥告報城中欲遣邦昌入城。御史臺檢準故例。率文武百官迓於南薰門。如期而集者凡數千人士。庶往觀。又數萬人。范瓊、汪長源等領兵分列左右。自州橋及門下森布如織。申刻。邦昌入門。金將送者及門而返。邦昌之入也。徑詣尚書省。百官敦請卽皇帝位。猶豫未決。緣軍前先有指揮故也。邦昌與百官相見。慟哭盡哀。從官卿監郎官十員。畫

便直宿續增作十五員掌管事務并使臣十員祇應三衙亦同宿直金帥令勸進于尙書省邦昌臥病不食者四日故有諸公掇送之言次日金國文字來限三日立邦昌不然下城屠戮都人震恐三日金使來促勸進取推戴狀衆人泣勸再三方從留守司遂以推戴狀申欲以初七日行冊命之禮邦昌誓自裁或曰相公城外不死今欲死塗炭一城邪遂止初六日閣門制儀榜擇次日卽皇帝位是日有內親事官數百人以不忍屈節立異姓殺妻孥焚所居謀赴義于金水門外統制官吳革爲首被誅初七日早百官僧道會于尙書省奉冊寶入門涕泣上馬至西府門佯爲昏曠欲仆立馬少蘇復號慟午時導引至宣德門西闕下馬入幕次復慟有金國曾大師以下五十人持御衣紅繖來設于幕次邦昌出次步至御街褥位望金國拜舞跪受冊寶冊文略曰失德者亡天命實假于我手當仁不讓歷數乃在于爾躬咨爾張邦昌云云可卽皇帝位國號大楚都金陵邦昌御紅繖還次訖金帥揖邦昌上馬出門百官導引如儀邦昌步入自宣德門由大慶殿至文德殿前進輦卻弗御步升殿于御牀西側別置一椅坐文武合班賀傳指揮云本爲生靈非敢竊位其勿拜王時雍率百官遽拜時雍權領尙書省吳升莫儔皆權樞密院呂好問門下侍郎徐秉哲中書侍郎范瓊以斬吳革功陞正任觀察除殿帥大抵往來議事者升儔也逼逐上皇以下者時雍秉哲也脅制都人者范瓊也遂皆擢用先是金帥送邦昌入城時邦昌堅不肯立久之百官有遺言于邦昌曰相公權立他日相公爲伊呂爲王莽皆在相公處之邦昌乃勉強從之曰某以九族保此

一城人方邦昌冊立時百官對金帥皆慘怛邦昌亦色喪惟升儕輩欣然若有所得十二日邦昌手詔曰近迫大國之威俾救斯民于水火諸公橫見推迫不容于自裁近覽文牒狀牒至有以聖旨稱之夫聖孔子不居則予一人其何敢焉應今後有自內傳出者爲中旨有面得者爲面旨出四方者爲宣旨邦昌每于迎陽門上罷去閣門儀制設常禮畢與執政侍從以上對坐議事語則稱名字遇金人至則遽易服衛士等曰伶人往日作雜劇每裝假官人今日張太宰作假官家金人如蕭慶耶律廣王芮高尙書曹少監等邦昌向在軍前鞠躬俯伏不暇至是皆列拜堵下邦昌辭讓則曰陛下不受臣拜見元帥必死今日陛下乃昔日南朝天子也十四日金帥以邦昌之請罷括金銀邦昌往謝金帥議七事迎接殿下相揖以升致賓主禮酒三行二十八日金帥回師邦昌僭天子儀衛法駕縞素出南薰門設香案率百官士庶北望慟哭謂二帝北遷也二十九日邦昌服赭袍張紅蓋乘馬出南薰門餞別二帥及午而返肆赦至蔡州不行乃收之迎宋元祐皇后垂簾四月初十日邦昌避位邦昌僭位首尾三十三日不御正殿不受常朝不山呼見羣臣稱予不稱朕旨稱面旨由內降只曰中旨宣示四方則曰宣旨手詔則曰手書至于禁中諸門悉鍼鎖題以臣張邦昌謹封大抵每事不敢有僭意逼迫金國之命耳其後死于潭州方邦昌抵貶所寓居潭州天寧寺寺有平楚樓取唐沈傳師目傷平楚虞帝魂之句也得宋帝賜死詔徘徊退避事者迫之登樓邦昌仰首忽覩平楚二字長嘆就縊

大金國志卷之三十一

齊國劉豫錄

劉豫字彥遊，景州阜城人。家世爲農。至豫始應進士舉。元符中登第。累官郡縣。召除殿中侍御史。少時嘗盜同舍生白金孟紫紗衣。及是言者發其宿醜。豫因上疏自明。徽宗赦勿問。未幾。累章言禮制局事。上批云。劉豫河北村叟。不識禮制。送吏部與差遣。遂出爲兩浙訪察。抵真州。喪妻翟氏。繼丁父憂。因家焉。高宗幸揚州。樞密使張慤與豫有河朔職司之舊。力請于朝。欲與一郡。時濟南太守強悅。遲留未行。俾豫起復。代之。除中奉大夫。知濟南。豫欲換江南一郡。而兩府厭其煩。不許。謁見豫懷憾而去。到郡惟務酷刑。以快私忿。除父子容隱條犯者皆相坐罪。金師侵山東。豫遣子出戰。金兵圍之數匝。令郡倅張東往援。金兵解去。遣人啗豫以利。俾令投拜。豫與東出城百姓攔路願守不降。豫不從。因出城詣軍前通款。是年夏。以豫節制京東兵馬。徙東平。豫遣使說東京留守上官晤。令叛。晤焚書斬使。又以賂啗晤。左右喬思恭。宋厚。俾五穗同本。以爲豫受命之符。于是齊魯之間。僉附會爲推戴。而豫亦使子麟齋重寶陰賂粘罕。左右求僭立。粘罕遂注意于豫。豫詭詞乞立張孝純。金主又遣使就豫治所問軍民百姓所欲立者。衆未及對。獨豫

鄉人進士張浹越次應之曰願立豫其議遂決是月戊申金主遣西京雲中府留守高慶裔禮部侍郎韓昉備禮以璽綬立豫冊文曰冊命爾爲皇帝國號大齊都于大名世修子禮永貢虔誠材爾封疆竝同楚舊豫遂僭立于大名以李孝揚權左丞張東權右丞兼吏部侍郎以子麟提領諸路兵馬知濟南前太原尹張孝純守尚書右丞相以弟益爲大名留守王夔爲汴京留守升東平府爲東京以汴京爲西京以歸德爲南京豫生景州守濟南節制東平僭位大名遂起四郡強壯爲雲從子弟應募者六千人又以境內三代有官或本身有官人爲三衛官曰翼衛曰勳衛曰親衛二年升一等及六年卽以試弓馬合格人出官是時金師南征回俾李鄴李俅李儔鄭億年臣于豫豫除儔御史億年工部侍郎冬遣孝純奉冊寶冊母翟氏爲皇太后妻錢氏爲皇后民閒房緝以十分爲率伍釐納官十一月詔曰王者受命建元以正始近古以來仍紀嘉號以爲天下更新乃者卽位之初有司請遵舊制朕以大國之故遜避未遑而使命遠臨促立別號以昭受命之元用新我齊民之耳目嘉與諸夏共承天休其以十一月二十三日以後爲阜昌元年布告天下咸使聞知李鄴留守東平李儔知單州李俅陽穀令馮長寧請立什一稅法除戶部侍郎是年依倣金國法鄉各爲寨推土豪爲寨長五家爲保雙丁籍一爲軍月兩點集呈試合格者與補効用正軍不願者聽州縣市民亦各籍爲五軍單丁夜巡雙丁上教每調發一人卽同保四人備衣甲錢糧等費凡三年一替惟効用正軍官爲請給時有百姓醉酒罵豫你是何人要作官家大宋何負于爾豫斬

之滄州進士邢希載上言有大利害乞引見豫旣召到卽言莫若遣使密通江南不然結好西夏無援豫榜于市云上國聞知與生靈爲害不細斬首號令

阜昌二年麟封梁國公尙書左丞相張昂權右丞相十月遣弟益守汴京徙李儔知襲慶府十二月東京官屬并父老史平及僧道捧表請遷都詔史平補上州文學僧道賜齋

阜昌三年四月遷都于汴是日暴風大作屋瓦震動都人大恐豫曲赦以安之奉祖考于舊太廟追尊其祖爲徽祖毅文皇帝父爲衍祖睿仁皇帝親巡郊社遷弟益爲京兆留守劉麟以所籍鄉軍簽爲本府十三軍網羅英俊置諸左右嘗語其參謀馮長寧等曰趙氏宣政閒童蔡掌兵權幕府從事皆闢冗取具之人一旦金兵入界召問之面已無生色矣諸公宜以前車爲鑒常博祝簡進遷都賦又進國馬賦其大略曰蠹爾蠻荆弗賓弗降固將突騎長驅不資一葦之航豫手批褒答減二年磨勘西京兵士賣玉注椀與三路都統豫疑非民間物勘鞠之知得于山陵中遂以劉從善爲河南淘沙官發山陵金人發不盡棺中水銀等物以谷俊爲汴京淘沙官發民間埋窖及無主墳墓中物六月大雨豫以爲德政所感製疏語使子麟代謝于相國寺中太乙上清宮張孝純致仕張昂權右丞相兼門下侍郎鄭億年知開封府九月長星見皇太后死謚曰慈獻宋厚上書言利害豫以其說上官晤之故特錄用之李俅言什一稅法利害可採遷監察御史李鄴權右丞范恭守左丞

阜昌四年二月葬太后于東平儀仗一如朝廷禮但所標揭皆田家村嫗之衣。是月賜狀元羅誘以下八十四人及第。五月馮長寧許伯通刪修什一稅法大略云宋之季世稅法害民權豪兼併元元窮蹙九月學士院馬定國進君臣名分論其言指斥南宋尤甚豫批定國轉一官。

阜昌五年四月以許青臣爲殿前太尉折毀景靈宮得真宗玉石像碎爲二十八段。九月手詔誣汚南朝其略曰朕膺受天命撫治中原永惟吳越巴蜀江湖嶺海皆定議一統之地憫其淪陷不忍用兵且冀久自悔艾稍能革其不道故爲請于大金欲割江表之地而封之豈圖怙惡不悛蔑棄大德乃敢僞通使聘密圖吞噬先乘不備之隙攻劫汝潁後舉烏合之衆侵掠鄧襄至妄肆蜂蠻之毒有取燕雲之謀若尙加舍忍則南北生靈何有休息安泰之期是用提督大軍直搗僭壘播告天下明體至懷。

阜昌六年正月朔日食豫兵與宋師迎戰齊兵屢敗繼聞宋帝親征兀朮詭示渡江之形金軍宵遁麟以騎兵還定遠一夜馳二百四十里入宿州始少安西北大恐尋多散亡榜以金主崩名曰班師二月改什一法行五等稅法七月毀明堂得金龍之金四百兩大銅錢三百萬是日天地晦暝八月麟出獵陳留義黨百餘人欲擒以南歸事覺悉斬于汴京劉復知濟南劉觀知淮寧軍十月民鬻子者官以百稅有告李儔罵丞相張昂口極降五官爲虢州監酒十二月張東卒。

阜昌七年春狀元邵世矩以下六十九人及第改明堂爲講武殿九月以許青臣權大總管子麟領東

南道行臺尙書令馮長寧行臺戶部侍郎行軍參謀李鄴行臺右丞講武議軍事簽鄉兵三十萬號七十萬分兩路南寇東路由紫荆山出渴口犯定遠宣化以姪劉貌統之西路奔廬州以子劉麟統之李成孔彥舟關師古輩皆在麾下手詔榜示指斥尤甚于五年淮泗之役軍之始行也臨汝軍守宋著部夫到京麟以後期斬之繼斬使臣趙倚麟因語人曰已去趙宋矣尋大敗于濠壽之間失軍車七千兩船七百隻亡歿散走者大半喪器甲交鈔軍需犒設之物不可勝計于是廢貌爲庶人免劉復官徙劉觀爲東路留守以妻弟翟綸爲南京留守

阜昌八年四月有羣梟鳴于後苑又有鳥數千鳴于內作休也之聲豫立賞掩捕獲一梟者賞五千五月無雲而雷龍起于宣德門左掖滅宣德二字豫遽命修之八月遣戶部員外郎黃元英監場游何與金主乞兵并力南寇皆以宋師進臨長淮爲辭既望順昌府報喜旗到稱江南副統制酈瓊等全軍人馬并淮西百姓十萬衆歸附以戶部侍郎參謀李師雄充接納官九月十二日到京以酈瓊爲靖難軍節度使知鞏州以劉光時爲大名府副總管趙世臣爲南京副總管王世忠前軍統制斬賞後軍統制自餘授官數十人仍遣馮長寧再與金主乞兵十月壬寅平康鎮濠寨官賈百祥見星殞不覺失聲曰齊帝星殞矣禍在百日之內同坐者慮他人告者連累因猝拽赴劉麟麟問可禳否答曰惟在修德麟奏其佯狂壬子斬于汴京十一月以私憾棒死東京富民孟思齊于東市丙午金主廢豫爲蜀王詔曰勅行臺

尙書省朕不席洪休光宅諸夏將俾內外悉登成平故自蜀河以南割爲鄰壤之界灼見先帝舉合大公罪則過征固不貪其土地從而變置庶共撫其生靈建爾一邦迨今八稔尙勤兵戍安用國爲寧負爾君無滋民患已降帝號列爵王封罪有所歸餘皆罔治將大革于弊政用一陶于新風勿謂奪蹊田之牛其罰已甚不能爲託子之友非棄而何凡爾臣民當體至意所有其餘事件已委所司畫下

初麟豫父子之欲南寇也知金主戒淮蜀之敗不肯輕動遂妄言南宋將欲寇淮遣黃元英游何乞兵時撻竦兀朮示以難色及酈瓊來歸又令馮長寧以酈瓊等條具南宋將欲進取事迹聞于金帥于是金主若不得已而從之俾以齊兵權聽金國節制悉令調發赴陳蔡宿亳汝潁之間約麟單騎河頭議事夤夜進發至是麟以鐵騎二百抵濬滑之間來見撻竦金兵圍之數重擒赴汴都由梁門至東華門入以騎二百守宣德門左右掖門兀朮及五郎君三路都統入大內邀逼豫出見撻竦既至宣德門兀朮揮鞭以馬騎圍逼至東闕門命一羸馬載之而去囚于金明池命百官有司皆仍舊以齊國尙書省爲金國行臺尙書省散出文榜買賣不許關閉仍以小番揚言齊王虐民命廢之放五釐免行錢散鄉軍敲殺貌事人教爾百姓快活爾舊主人少帝官家在此民心于是稍安而北軍亦不敢擾民豫之廢也有馬四萬二千汴京有錢九千八百七十餘萬緡有絹二百七十萬有金一百二十萬有銀六千萬有糧九十萬方州不在此數豫宮嬪百餘人姪身者九其子麟侍婢百二十人父子皆外示節儉而內爲姪佚以獻女獻妻得官

進姊進妹得差遣。如高立之宋揖紛紛皆是。甚者如廉公謹以女奉麟。以妻伴之。麟并以二人進豫。于是
遂以公謹監禮料庫。如侯湜爲長葛令。有入己賊萬餘緡。事發。知不免。以女進豫。豫以爲使功不如使過。
升湜爲金牌天使。宣傳撫問陝西。其汙淫有至于此。在帝位八年。割剝百姓。下至倡優。無不日納官錢。劉
復、劉益。皆豫之弟。劉猊乃劉觀之子。悉善聚斂。碌碌無他能。獨劉益積而能散。待下有禮。頗得士卒懽心。
是故廢豫日亦忌之。用計掩捕。餘待之若無人。至今恣其任便居住。皇后錢氏。宣和閒出宮。後爲賊所掠。
賣身與豫爲針線婢。故宮庭事豫皆取法于錢。先是邢希載、毛澄之徒皆說豫陰通南朝。共雪國恥。豫斬
之。至是廢遷相州。留錢五百萬。命道士醮薦之。十二月自相州徙上京。改封曹王。年六十五。

大金國志卷之三十二

立楚國張邦昌冊文

維天會五年歲次丁未三月辛亥朔二十一日辛巳皇帝若曰先皇帝肇造區夏務安元元肆朕纂承不敢荒怠夙夜兢兢思與萬國同格于治粵惟有宋實乃通鄰貢歲幣以交懼馳星輶而講好期于萬世永保無窮蓋我有大造于宋也不圖變誓渝盟以怨報德構端怙亂反義爲仇譖給成俗貪婪不已加以肆行淫虐不恤黎元號令滋章紀綱紊弛況所退非其罪所進非其功賄賂公行豺狼塞路天厭其德民不聊生而又姑務責人罔知省已父旣無道于前子復無斷于後以故徵師命將伐罪弔民幸賴天高聽卑神幽燭細旌旗一舉都邑立摧且眷命攸矚謂之大寶苟歷數改卜未獲偷安故用黜廢以昭元鑒今者國旣乏主民宜混同然念厥初誠非貪土遂命帥府與衆推賢僉曰太宰張邦昌天毓疏通神資睿哲處位著忠良之譽居家聞孝友之名實天命之有歸乃人情之所篤擇其賢者非子而誰是用遣使諸官都部署尙書左僕射權簽樞密院事韓某等持節備禮以璽冊命爾爲皇帝以援斯民國號大楚都于金陵自黃河以外除西夏新界疆場仍舊世輔王室永作藩臣貢禮時修爾勿疲于述職問音歲致我無緩于

忱誠於戲天生蒸民不能自治故立君以臨之君不能獨理故樹宮以教之乃知民非后不治后非賢不守其于有位可不慎與予懋乃德嘉乃不績日慎一日雖休勿休欽哉其聽朕命

立齊國劉豫冊文

維天會八年歲次庚戌九月辛丑朔二十七日丁卯皇帝若曰朕聞公於御物不以天位爲已私職在救民迺知王者爲道器威罰既已殄罪位號宜乎授能迺者有遼運屬顛危數窮否塞獲罪上帝流毒下民太祖武元皇帝仗黃鉞而拯黔黎舉白旄而誓師衆妖氛既掃區宇式寧越有宋人來從海道願輸歲幣肆朕纂承仰循先矩姑存大體式示涵容乃復蔽匿逋逃誇大疆域肆其貪很自起紛爭擾吾外屬之藩鄰取其受賜之鄉土因彼告援遂與解和終無聽從巧爲辭拒爰命將帥敦諭盟言許以自新全然不改偏師傅汴首罪犇淮嗣子哀鳴請復歡好地畫三鎮誓卜萬年凡有質委悉同父約旣而官軍未退夜集衆以犯營誓墨未乾密傳檄而堅壁私結使人陰起事端以故再遣師徒詰茲敗類又起畫河之議復成款戰之謀旣昧神明乃昭元鑒京城摧破鼎祚淪亡無并爾疆以示不貪之德止遷其主用彰伐罪之心建楚新封守宋舊服不料懦庸難勝重任妄爲退讓反陷誅鋤奉命出和已作潛身之計提兵入衛反爲

護己之資忍視父兄甘爲俘虜事務雖濟人豈無情方在殷憂樂于僭號心之幸禍于此可知乃遣重兵連年討捕始聞遠竄越在島夷重念斯民亂于無主久罹塗炭未獲昭蘇不委仁賢孰能保庇咨爾中奉大夫京東京西淮南等路安撫使兼諸路馬步軍都總管知東平府節制大名府開德府濮博棣德滄等州劉豫夙擅敢言之譽素懷濟世之才居于亂邦生不遇世百里雖智亦奚補于虞亡三仁至高或願從于周仕當姦賊擾攘之際愚民去就之間舉郡來王奮然獨斷逮乎歷試厥勳克成委之安撫德化行任之尹牧獄訟理付之總戎盜賊息專之節制郡國清況又定衰救亂之謀安變持危之策使民無事則橐弓力穡有役則釋耒荷戈罷無名之征廢不急之務徵隱逸舉孝廉振綱紀修制度省刑罰而出煩酷發倉廩而息蟲螟神人以和上下協應比下明詔詢攷輿情列郡同辭一心仰戴宜即始歸之地以昭建業之元是用遣使留守西京特進檢校太保尚書右僕射大同尹兼山西兵馬都部署上柱國廣陵郡開國公食邑二千戶食實封二百戶高慶裔副使金紫光祿大夫尚書禮部侍郎知制誥護軍南陽縣開國侯食邑一千戶食實封一百戶韓昉備禮以璽綬寶命爾爲皇帝國號大齊都于大名府世修子禮永貢虔誠付爾封疆竝從楚舊更須安集自適攸居爾其上體天心下從民欲忠以藩王室信以保邦圻惟天難謀惟命靡常常厥德保厥位爾其勉哉勿忽朕命

金國檢視大宋庫藏

絹五千四百萬疋

金三百萬錠

珍寶未見實數

大物段子一千五百萬疋
銀八百萬錠

金國取去大宋寶印

皇帝殿寶十四

承天休延萬億永無極

天子之寶

天子信寶

皇帝行寶

御書之寶

無字寶

宣和御書之寶

青玉二

傳國寶

金九

御前之寶

御書之寶

天下合同之寶

印中書省文字示

御前錫賜之寶

印茶藥合月

皇帝欽崇國祀之寶

印詞香表合

銀一

尚書內省出納之印

印破除

皇后殿金一

皇后之寶

太子殿金一

皇太子寶

太子妃金一

受命于天既壽且康

宣和殿寶

天下同文之寶

御前之寶

印御宣

書詔之寶

印詔書

太子妃印

宗族隨一二帝北遷

太上道君皇帝

太上皇后

欽宗皇帝

皇后

皇太子謹

鄆王楷

肅王樞

景王杞

濟王栩

康王構京不在

祁王模

夫人曹氏

夫人邢氏

夫人曹氏

夫人田氏

夫人任氏

夫人朱氏

男三人

男二人

女宗姬二人

女宗姬二人

女宗姬六人

女宗姬二人

莘王桂

徐王棟

沂王樞

和王棫

信王榛

未出閣王公

安康郡王樞

喬貴妃位

嘉國公椅

任婉妃位

溫國公棟

小王婕妤位

昌國公柄

王婉容位

韓國公相

關婉容位

已出降帝姬

嘉德帝姬

都尉曹寅

崇德帝姬

都尉曹成

夫人嚴氏
夫人王氏

建安郡王模

任婉妃位

瀛國公樾

喬貴妃位

相國公挺

王貴妃位

儀國公桐

大王婕妤位

安德帝姬

宋邦光

茂德帝姬

都尉蔡峰

成德帝姬都子房尉向

淳德帝姬田都尉丕劉

顯德帝姬文彥劉

順德帝姬子辰尉向

華福帝姬喬貴妃位婉

惠福帝姬喬貴妃位婉

令福帝姬容王婉位

純福帝姬小王婉

寧福帝姬崔美位

永福帝姬人崔美位

諸妃嬪

王貴妃

喬貴妃

韋貴妃

關婉容

王婕妤

小王婕妤

五王宮

燕王偲

越王偲

吳王愬

永寧郡王

妃嬪共一千二百人

和義郡王偉

大金國志卷之三十三

天文

國初用兵行師未知有時日支干孤虛旺相之法天文之官亦未備自後割遼疆之半始得遼之太史如忒李萌未極母三數人皆明天文占驗數中始有挈壺供奉等官方幹离不南下之際時宋徽宗禪位與欽宗太史占帝星復明大驚欲回郭藥師時在燕山謂南朝未必有備不如姑行其後京城之圍金太史占十一月二十一日午時宋京城當破其後果然

地理

國初之時族帳散居山谷地僅千餘里自後并遼得大遼全盛之地其後深入中原舉大江以北皆有之疆宇始廣矣其初居草地名會寧號上京僻在一隅亮始徙燕遂以渤海遼陽府爲東京山西大同府爲西京中原大定府爲北京東京開封府爲南京燕山爲中都號大興府卽古幽州也其地名曰永安金國之盛極于此矣

燕京制度

國初無城郭。星散而居。呼曰皇帝寨。國相寨。太子莊。後升皇帝寨曰會寧府。建爲上京。其遼之上京。改作北京。城邑室宮。無異于中原。州縣廨宇。制度極草創。居民往來。車馬雜還。自前朝門直抵後朝門。盡爲往來出入之路。略無禁制。每孟春擊土牛。父老子庶無長幼。皆聚觀于殿側。民有訟未決者。多邀駕以訴。至熙宗始有內庭之禁。煬王弑熙宗。築宮室于燕。逮三年而有成城之四圍。凡九里三十步。天津橋之北。曰宣陽門。中門繪龍。兩偏繪鳳。用金釘釘之中門。惟車駕出入乃開。兩偏分雙單日開一門。過門有兩樓。曰文曰武。文之轉東曰來寧館。武轉西曰會同館。正北曰千步廊。東西對焉。廊之半各有偏門。向東曰太廟。向西曰尚書省。至通天門。後改名應天樓。高八丈。朱門五飾。以金釘。東西相去一里餘。又各設一門。左曰左掖。右曰右掖。內城之正東曰宣華。正西曰玉華。北曰拱辰。及殿凡九重。殿凡三十有六。樓閣倍之。正中位曰皇帝正位。後曰皇后正位。位之東曰內省。西曰十六位。乃妃嬪居之。西出玉華門曰同樂園。若瑤池、蓬瀛、柳莊、杏村。盡在于是。

都城四圍。凡七十五里。城門十二。每一面分三門。其正門兩傍。又設兩門。正東曰宣曜門。春施仁門。正西曰灝華門。麗澤門。彰義門。正南曰豐宜門。景風門。端禮門。正北曰通元門。會城門。崇智門。此四城十二門也。此外有宣陽門。即

內城之南門上有重樓制度宏大三門竝立中門常不開惟車駕出入通天門卽內城之正南門也四角皆垛樓瓦琉璃金釘朱戶五門列焉門常扃惟大禮祫享則由之宣華乃內城之正東門玉華正西門也左掖東偏右掖西偏門也各有武夫守衛士夫過者不敢瞬目拱辰卽內城正北門也又曰後朝門制度守衛一與宣華玉華等金碧聳飛規模壯麗矣

汴京制度

汴京制度宣宗所遷大概依宋之舊鄒伸之奉使時同官屬遊故宮宮牆四角皆有樓高五丈每樓一所兩傍各有屋以裹牆角自左掖門向西三十步橫入一門號左昇龍門入此門卽大慶門外由峻廊上俯闕城市正望丹鳳樓後下樓卽右昇龍門此兩門外左右掖門橫通大慶門外其門有三中曰大慶東曰日精西曰月華門傍皆列戟入此門望見大慶殿殿前有兩樓對峙東曰嘉福西曰嘉瑞大慶殿屋十一閒龍墀三級傍垛殿各三閒峻廊後與兩廡相接殿壁畫四龍各長數丈乃宣宗渡河後畫中有御畫小龍用拱斗門成一方井如佛正殿蓋中有一金龍以絲網罩之此正衙也轉御屏下峻階數步一殿曰德儀殿有三門中曰隆平左曰左隆平右曰右隆平入此門東西兩屏望見隆德殿卽宋垂拱殿也殿庭中東一鐘樓西一鼓樓殿屋五大閒傍各殿三閒塔上龍墀一級東西兩閣門並樓屋下有門通往來此常

朝殿也。此殿後又一庭院。有門曰仁安。東西兩門。東出東華門。入仁安門。望見仁安殿。龍墀兩廊。皆如龍德殿規模。卽宋延英殿也。自此後兩殿有門。皆有船軒連接。兩邊廊屋。止用黑漆窗戶。意謂必宮人居于此。乃內殿百官不到。前四殿皆琉璃筒瓦。一殿曰德和。一殿曰福寧。後又有一小殿。殿後有直舍。此殿後卽內宮牆門。有門兩重。出入後苑。十數步間過一小溪橋。有仁智殿。溪中有龍舟。仁智殿下兩巨石高三丈。廣半之。東一石有小碑刻勅賜昭慶神運萬歲峯。西一石刻獨秀太平巖。乃宋徽宗御書刻石。填金殿後有石壘成山高百尺。廣倍之。最上刻石曰香石泉山。山後挽水上山水。自上流下至荆玉澗。又流至湧翠峯下。有太山洞。水自洞門飛下。復由本路出德和殿。迤邐至大慶門外。橫從右昇龍門出。卽宋後朝門。榜曰啓慶之宮。入宮門後有三門。中曰德昌。左曰文昭。右曰光興。制度宏麗。金碧輝映。不可勝言。出啓慶門。復入右昇龍門。過大慶門外。出左昇龍門向東行。一門向南。榜曰聖壽宮。左安泰門。右明昌門。卽金國太后宮。入宮門直入。一門榜曰徽音。又一門榜曰光熙。望見徽音殿。長樂殿。入光翼門。繁禧門。有德壽殿。復出此宮。卽祕閣。拄左掖門之西。五門之東。卽古待漏院。自五門望南。向丹鳳門中閒禁路。兩廊千步廊盡處。向東一屏牆。向南一大門。卽大廟門。內三門。門上竝畫蟠龍。殿宇二十五閒。高大宏麗。兩傍修廊。東西各開一門。與廊相通。蓋百官陪位入此兩門甚便。殿上十一室。盡榜金國祖宗諡號。每一室計三閒。東邊一門。西邊一窗。嵌一小石室。上下有石廣三丈。石門一合可開閉。係藏神主處。遇祭祀迎神。

主出石室。祭畢復藏殿宇。出大廟向西行。向南一門卽社壇。周圍皆牆。外四門遇祭則開。迎四方之氣宮室制度。金國時有更改。大抵皆宋朝之舊也。

陵廟制度

金國不設宗廟。祭祀不修。自平遼後。所用宰執大臣多漢人。往往告以天子之孝。在乎尊祖。尊祖之事。在乎建宗廟。若七世之祖未修。四時之祭未舉。有天下者可不念哉。金主方開悟。遂立太廟。迨海陵王徙燕。再起太廟。標名曰衍慶之宮。奉安太祖、太宗、德宗。又其東曰元廟。奉安元祖大聖皇帝楊割。追尊遠祖起自七代龜福以下。各加尊謚。立廟祭祀。

國初祖宗止葬于護國林之東。逮海陵徙燕。始令司天臺卜地于燕山之四圍。歲餘方得良鄉縣西五十里。大洪谷曰龍城寺。峯巒秀出。林木隱映。真築陵之處。遂遷祖宗于此。唯熙宗葬于山陰。蓋以刑餘。遂不入陵。

國初無祭祀之禮。至海陵徙燕。築陵于西南九十餘里大洪山。及太廟元廟告成。始有尊祖之議。時奏議多陳郊祀配天之事。海陵恥效南朝舊制。令更討論之。禮官再進以三年一祫。五年一祔。乃上古之制。祫當取夏四月。祔當取冬十月。海陵從之。詔告天下。遂令太常寺備大樂。具九節儀從。待期往焉。至是月吉。

日先一夕宿于正殿。次日陵晨令導從之人各服五色畫衣執旌幢斧鉞幡蓋羽扇自內城至廟夾道騎肩而立徐布九節儀從奏樂及歌者皆乘馬近御座衣元纁服袞冕執圭乘玉輅九龍御座至廟禮畢易金輅服遠遊冠絳紗袍奏樂而回逮世宗立因而行之至今不廢。

儀衛

建國之初儀衛護從止類中州守令在內庭閒或遇雨雪雖后妃亦去襪履跣足而行至熙宗立始設儀衛將軍寢殿中底弩手繖子迨幸燕始乘玉輅服袞冕儀從方整肅時令翰林侍制邢具瞻作引導詞曰五年一狩仙仗到人間稼穡艱難蒼生洗眼秋光裏今日見天顏金瓜玉斧沈煙和舞蹈六龍閑歌謳道詠皆相似天子壽南山護從悉具若尋常出獵觀田多無定制或數百騎或千騎前後皆執旗旗上繪以日旗曰御座繖或紅或黃如或排駕而出一與南朝同導前者皆弩手繖子其人各長六尺八寸衣以真錦團花袍金鍍銀帶簇金蛾拳腳幞頭雙引而前皆散手及半方有執旗者約千餘隊旗之後曰駕頭駕頭之後曰護衛將軍皆衣紫窄袖衫金帶幞頭腰懸弓矢竝馬而行約數百至曲蓋其形六角紅羅曲柄飾以文彩一護軍執之以爲儀式蓋之後曰御座馬左右二副點檢領之馬之後曰寢殿小底衣帶乘騎一與護衛等止無弓矢而腰以深紅包袱又約數百及駕或乘逍遙或乘步輦或乘馬臨時取旨其上張

蓋表裏皆紅羅。獨微曲駕之後。護衛小底。不計其數。又其後曰馬軍。栲栳隊數千隨焉。

大金國志卷之三十四

旗幟

金國以水德王。凡用師行征。旗皆上黑。雖五方皆具。必以黑爲主。尋常車駕出入。止用一日旗與后同乘。則加月旗。二旗相閒而陣。或數百隊。或千餘隊。日旗卽以紅綃爲日。刺于黃旗上。月旗卽以素帛爲月。刺于紅旗上。近駕則又有日月大繡旗。二如大禮祫享冊封。一循古制。旗無大小皆備焉。然五方、五星、五嶽、青龍、白虎、朱雀、元武、神鳳外。又有五星聯珠。一日月合璧。一象二天王。二海馬。二鷹隼。二太白。三近御。又張一大旗。其制極廣。錯繪神物。以猛士執之。傍有數十人護之。各施大繩以備風勢。名曰蓋天。

車轍

后妃竝用殿車。其車如五花樓之狀。上以錦緣。青氈爲蓋。四圍以簾。秋冬亦用氈。竝用錦緣。桂廊白板。護泥皆飾以金玉。或四輪。或兩輪。竝朱車之四角。后用金鳳。妃用金孔雀。如一品二品車之四角。竝用銀螭頭。

國主繖或紅或黃無定以金龍爲頂蓋后用金鳳太子用金龍妃紫繖用金孔雀一品青繖用銀浮圖二品三品用紅浮圖四品五品青浮圖

服色

服色各以官品論如五品官便可服五品服如武臣至四品皆橫金文臣則加魚不待錫賜而許自服焉國主視朝服純紗幘頭窄袖赭袍玉遍帶黃滿領如遇祭祀冊封告廟則加袞冕法服平居閒暇皂巾雜服與士庶無別

太子服純紗幘頭紫羅寬袖袍象簡玉帶佩雙玉魚

王公服謂親王及三公服紫羅寬袖袍紗製幘頭象簡玉帶佩玉魚

正一品謂左右丞相左右平章事開府儀同三司服紫羅袍象簡玉帶佩金魚

從一品謂左右丞左右參知政事崇進特進樞密院使服紫羅袍象簡金帶佩金魚

二品謂自金紫光祿大夫至榮祿大夫服紫羅袍象簡御仙金帶佩金魚

三品至四品謂文臣資德大夫至中順大夫武臣龍虎衛上將軍至定遠大將軍竝服紫羅袍象簡荔枝金帶文臣則加佩金魚

五品謂文臣中議大夫至朝列大夫武臣廣威將軍至宣武將軍竝服紫羅袍象笏紅鞋烏犀帶文臣則帶金魚

六品至七品謂文臣奉政大夫至儒林郎武臣武功將軍至忠顯校尉文臣則服緋武臣則服紫竝象笏紅鞋烏犀帶文臣佩銀魚

八品至九品謂文臣文林郎至將仕郎武臣忠勇校尉至進義校尉文臣則服綠武臣則服紫竝象笏黑鞶角帶

千官品列

諸國王府號

趙王府大府名二十

幽王府次府名三十

諸王府小府名三十

宮師府掌保護東宮導以德義

太子太師

太子太傅。

太子太保。

太子少師。

太子少傅。

太子少保。

詹事院掌總統東宮
內外庶務

太子詹事。

太子少詹事。

太子左衛率府率。

太子右衛率府率。掌周衛儀仗之事從

太子左監門。

太子右監門。掌門閥禁鑰

太子僕正。

太子副僕正。

太子僕丞掌車馬廄牧弓箭鞍轡

太子掌寶二員掌奉寶鑑其出入

太子典儀

太子贊儀掌司贊禮儀

太子侍正

太子侍丞掌冠帶衣服右給使之事左

太子典食令

太子典食丞掌膳羞奉

太子侍藥

太子奉藥掌承醫藥

太子掌飲令

太子掌飲丞掌承酒果之事茶湯

太子家令

太子家丞掌營繕裁植鋪設燈燭之事

太子司經

太子副司經掌經史圖書筆硯事

太子司藏

太子副司藏掌庫藏財貨出入事

太子司倉

太子副司倉掌倉廩出納及薪炭等事

太子中侍局都監

太子中侍局同監掌東閣內禁令省察官人廩給諸物

太子左諭德

太子右諭德

太子左贊善

太子右贊善掌贊諭導德侍從文章

親王府屬官

王傅掌師範輔導參議可否

親王外任兼京府節鎮同知

府尉。掌警嚴

司馬。掌從事之本

文學。掌贊導禮儀

諸騎馬都尉公主府府名

金源。

廣平。

南陽。

常山。

平陽。

東平。

延安。

安定。

內命婦品

一品妃。

貴妃。

淑妃。

德妃。

賢妃。

二品九嬪。

昭儀。

昭容。

昭媛。

修儀。

三品二十七世婦。

婕妤九員。

修容。

修媛。

充儀。

充容。

充媛。

四品美人九員。

五品才人九員。

六品 八十一御妻 寶林二十七員。

七品 御女二十七員。

八品 采女二十七員。

外命婦品

正一品 大長公主 長公主。

從一品 郡主。

正二品 縣主。

東宮命婦品

宮正 司正 典正 女史。

東宮

三品 良娣二員。

四品 良媛二員。

五品 承徽十員。

七品 昭訓十六員。

九品 奉儀二十四員。

女官職員

尙宮 尚儀 尚服 尚食 尚寢

尙功 宮正

右六尙局該女職一千餘員。

文官

正一品 開府儀同三司

從一品 特崇進

正二品 銀青榮祿大夫

從二品 光榮祿大夫

正三品 資善大夫

從三品 正奉大夫

正四品 正嘉議大夫

從四品 大夫

正五品 中少夫

中憲大夫

從五品朝列議大夫

朝散大夫

正六品奉議大夫

大夫

從六品順直大夫

夫

正七品承直德大夫

夫

從七品儒林郎

郎

正八品承文林郎

郎

從八品從事林郎

郎

正九品登仕郎

郎

武官

正一品開府儀同三司

從一品進進士

同三司

正二品銀金崇特

大大夫

從二品青紫祿祿

大大夫

正三品。驃騎衛上將軍。金吾衛上將軍。

從三品。奉國上將軍。輔國上將軍。

正四品。昭勇大將軍。昭毅大將軍。

從四品。懷遠大將軍。定遠大將軍。

正五品。廣威將軍。宣威大將軍。

從五品。威將軍。顯武將軍。

正六品。德將軍。軍。宣威大將軍。

從六品。義將軍。軍。顯武將軍。

正七品。略將軍。軍。軍。

從七品。顯武將軍。軍。軍。

正八品。忠信校尉。軍。軍。

從八品。忠翊校尉。軍。軍。

正九品。義武校尉。軍。軍。

從九品。義武校尉。軍。軍。

正九品。進義武校尉。軍。軍。
從九品。義武校尉。軍。軍。
正八品。忠翊校尉。軍。軍。
從八品。忠翊校尉。軍。軍。
正九品。義武校尉。軍。軍。
從九品。義武校尉。軍。軍。

司天

自司天太醫內侍教坊官各立二十五階止于從四品其服色品第與文武官同惟不佩魚若遇正官者過正官者

亦同文武
官佩魚

從四品欽象授大夫

正五品靈憲大夫明時大夫

從五品雲紀大夫夫夫

正六品保章紀大夫夫夫

從六品探時蹟大夫

正七品靈微郎

從七品儀緯郎

正八品司推郎

從八品平校郎

正九品挈正郎

從九品司辰郎

正九品壺秩郎

從九品正郎

正九品正郎

從九品正郎

太醫

從四品保平宣

正五品保和頤

從五品保順善

正六品保沖合

從六品保大大

正七品保夫夫

從七品保夫夫

正八品保夫夫

從八品保夫夫

正九品保夫夫

從九品保夫夫

正九品醫成全愈

從九品醫候效

正九品醫全愈

從九品中散大夫

內侍

從四品中侍大夫

中尹大夫

正五品

中中

儀列

從五品

中中

大夫

正六品

中中

常衡

從六品

通中

涓良

正七品

通通

侍禁

從七品

通接

御郎

正八品

接內

直直

從八品

司司

謁贊

正九品

司司

僕闡

從九品

司司

郎郎

正五品

協景

德章

從五品

德和

韶詔

正五品

雲

大夫

從五品

大夫

大夫

從五品

大夫

大夫

教坊

從四品

成雲

大夫

正五品

德

大夫

從五品

章

大夫

仙韶大夫

長寧大夫

雲和大夫

正六品嘉慶成善大夫

從六品

純肅

和和

正七品

調舒

和和

從七品

和和

郎郎

正八品

樂樂

郎郎

從八品

樂樂

郎郎

從九品

協典

郎郎

正九品

司比

郎郎

和和司

和掌

郎郎

和節音

律音

郎郎

嘉慶成善

和和

郎郎

大和

和和

郎郎

大金國志卷之三十五

雜色儀制

周歲節假日儀

元日假三日前一日後各

寒食假五日自一百五日
前一日爲限

冬至立春重五立秋重九旬假文字急速不在此限

日月食六齋等儀

遇日月蝕禁酒樂斷屠六齋初一初二八十四上七十五竝不許殺生

官民婚聘財禮儀

一品不得過七百貫三品以上不得過五百貫五品以上不得過三百貫六品以下及上戶庶人不得過二百貫中下戶不得過一百貫若婚嫁印同不以等數爲限

禁斷紅門儀

除寺觀五嶽四瀆孔子廟許紅門餘竝禁斷。

責保就試儀。

舉人應試而或公事在案罪犯不至徒刑者聽責保試若武官并諸經及第官人已在任欲應進士舉者如不犯贓私追當罪聽告所屬申覆本部所廳就試曠月日俸祿不及

三代同居儀。

三代同居孝義之家委所屬申覆朝廷旌表門閭仍免戶下三年差發軍役在此限

割股孝悌儀。

爲祖父母父母伯叔父母姑兄姊舅姑割股者奴婢爲親房同竝委所屬申覆朝廷官支絹五匹羊兩
羃酒兩瓶以勸孝悌。

致仕遷官半俸儀。

官職不拘品從七十以上告致仕者遷兩官六十以上遷一官給半俸外不及六十未至衰老止是疾病難任職事者止合給半俸更不在遷官之列。

職官立碑建祠儀。

職官在任雖有政迹百姓不得立碑建祠若去思而建者聽。

隨衙每年公用酒曲儀。

京尹及統軍司各三百都運司招討司諸府各二百秤諸轉運司節鎮各三百防禦州十秤刺史州軍十秤諸縣六十倚郭司縣不在此限。

職官交代見月算月儀。

謂如不于月初一日皆爲月。以三十箇月爲任。管課官在此限不三品以上內外同五諸京都運及諸路轉運使六十郡牧使三周防禦使四十仍不得于界首禮上。

職官授訖差除儀。

一千里程限十日二二千里程限二十五日三千里程限三十日四千里程限十五日五千里程限二十日隨朝官一千里程限二千里程限十五日三千里程限二十日三千里外程限二十五日

其假內欲赴任若有事須早遣者不拘此限行程馬日行七十里驢及步人日行五十里車三十里。

職官接送人力儀。

職官接送人力于合破數內各給一半。在任身故者亦同若送還者須到本所給回文聽還。

職官上任給俸儀。

職官上任不過初二日罷任已過初五日者竝給當月俸春秋衣各于二仲月給授職官授訖差除緣

公幹留住未得之官者計程外聽給到任祿若文牒未至前官依舊在任者其祿兩支後官已到前官
差出者亦同職官每月合得俸麆竝依隨處估直支錢不得支本色。

鎮城院務儀。

鎮城院務監當官雖本管百里內者掌本鎮賊盜并城門鎖鑰百里外者兼煙火詞訟長官差出帶印儀。

州軍已上長官遇差出者各許帶本職印餘印訖竝付本衙門使用。

屬官獻香茶儀。

監臨官遇元日生日受統屬官所獻香茶酒肉菓實同計直十貫以下者聽卽同職連判官及因親相與者非。

職官告侍親求醫致仕儀。

職官告侍親親雖未八十及自病求醫解職并年六十以上告致仕者竝聽皆謂無所規避者若解由到部或未赴任而有年老及病患難勝職任告致仕者亦聽竝許隨處官司受理驗實轉申尙書省。

朝拜祖廟儀。

但有祖廟處官長初赴任以入城日至廳署盥訖便往朝拜以次官竝陪位北面立班隨朝拜初上之

官在前別爲獨班。再拜訖升階上殿。再拜縉笏上香跪一奠茶三奠酒出笏就位。一拜又再拜訖降階復位。再拜訖乃退。

進士參賀儀

外任官長初到任。如有管內進士參賀。竝用名帖。具儒服襯子外。躬揖問候。官長位前立答。于佐貳以下竝用客禮。

隨朝迎拜赦詔儀

宣赦于應天門外。設香案及設香輿于案前。又于東側設棹子。自皇太子宰臣以下序班。候班定。閣門官于箱內捧赦書出門。置于案。閣門官案東立。南向稱有赦。贊皇太子宰臣百僚再拜。皇太子少前上香。設拜復位。皇太子宰臣百僚再拜。閣門官取赦書授尚書省都事都事跪受。及尚書省令史二人舉捧同陞于棹子。讀百官皆跪聽。讀訖。赦書置于案。都事復位。百官再拜。揩笏舞蹈出笏。伏輿再拜拱衛直以下三稱萬歲訖。乃退。

誥勅

立國之初多沿遼制。文武官五品除授。竝用黃紙爲勅牒。五品以上方用誥。誥用五色綾。三品方用羅。二

品一品加銷金或曰瑞草或曰祥鸞皆遍地焉軸或木或牙或犀或七寶皆隨品從除授依舊以黃紙爲牒又加白紙爲宣惟三品郡夫人以上誥軸與羅銷金外加錦囊罩以紅絡飾以小金鉛金鑽制作極華麗

除授

選舉之外有奏補法有世襲法有封贈法其奏補法不論文武有奏補任子恩如狀元及第初授承德郎迨海陵煬王之世特加一官授奉直大夫係從六品便可蔭兩子且如蔭補格法一品蔭七人竝補閣門祇候二品蔭六人三品蔭五人竝補內供奉班祇候四品蔭四人五品蔭三人六品蔭二人竝補供奉班祇候無致仕遺表恩澤其世襲法世襲千戶金國深重其賞非宗室勳臣之家不封勳臣之家亦止本色人及契丹奚家而已所襲官職亦非一等上自明威將軍下至千戶三百戶若襲封之人亡及因他故合去官者許令長男繼之如長男已亡或篤廢疾者長孫繼之長子與長孫俱亡次子繼之本枝絕兄弟繼之兄弟無近親繼之其封贈法皆依宋朝舊制止無加封若既封之後必待及品格則再封兼止從其官不從其職文臣則朝列大夫武官則宣武將軍以上惟五品官方聽封贈

天會皇統科舉

科舉取士有瀋州榜真定榜平州榜至太宗天會十年國內太平下詔如契丹開闢制限以三歲有鄉府省三試之法每科舉時先于諸州分縣赴試詩賦者兼論策作一日經義者兼論策作三日號爲鄉試悉以本縣令爲試官時秀士有未願赴者州縣必根刷遣之願試之士唯雜犯者黜榜首曰鄉元亦曰解元次年春分三路類試自河以北至女真皆就燕自關西至河東就雲中自河以南就汴謂之府試試詩賦論時務策經義則試五道三策一論一律義凡二人取一榜首曰府元至秋盡集諸路舉子于燕名曰會試凡六人取一榜首曰勅頭亦曰狀元分三甲曰上甲中甲下甲勅頭補承德郎視南朝之承議上甲皆賜緋七年卽至奉直大夫謂之正郎第二第三人八年或九年中甲十二年下甲十五年不以所居官高卑皆遷大夫中下甲服綠例賜銀帶府試差官取旨尙書省降劄知舉一人同知二人又有封彌謄錄監門之類試闈用四柱揭綵其上目曰至公樓主文登之以觀試或有私者停官不敍仍決沙袋親戚不迴避尤重書法凡作字點畫偏旁微誤者皆曰雜犯先是攷校畢知舉卽唱名近歲上中下甲雜取十名納之國中下翰林院重攷實欲私取權貴也攷校時不合格者日榜其名試院一開餘人方知中選熙宗立又增專經神童法律三科爲雜科然不擢用止于簿尉專經至于爲直省官事宰執持筆硯童子科止有趙憲甫位至三品此太宗熙宗繼世取士之科也

天德科舉

海陵燬王弑熙宗自立。改皇統曰天德。甚有尊經術、崇儒雅之意。始設殿試。又以鄉試聚于州限三人取一人。府試分六處。河北東路、西路、中都路于大興府。臨洮、會寧、東京等路于大定府。西京、河東南路、北路于大同府。大名路、山東東路、西路于東平府。南京等路于開封府。京兆、鄜、延、慶、原、熙、秦等路于漢中府。竝限四人取一。省試以五百人爲定格。殿試亦黜落中第之人多寡不等。臨期取旨。又將第一人特加一官。授奉直大夫翰林應奉文字。第二第三人止授徵仕郎。其餘竝授從仕郎。次舉又罷專經經義神童。止以詞賦法律取士。詞賦爲正科。法律爲雜科。至世宗立。省試各添論策第一場。將殿試第一人依舊承德郎。第二第三人儒林郎。竝賜綠餘皆從仕郎。至今不易。此海陵燬王天德以後科舉之制也。大金國自太宗開闢之後。狀元凡二十餘人。

大金國志卷之三十六

皂隸

皂隸出身與蔭人等甚以爲重。如州郡都吏出職。竝補將仕郎。授錄事、判官司、司判、市丞。至儒林亦蔭子部吏缺人。令州縣擇人貢之。十年無公私過。補昭信校尉。授下縣令。或錄事。漸亦可至州同知。

浮圖

浮圖之教雖貴戚望族多捨男女爲僧尼。惟禪多而律少。在京曰國師。帥府曰僧錄。僧正。列郡曰都綱。縣曰維那。披剃威儀與南宋等所賜號曰大師。曰大德。竝賜紫。國師在京之老尊宿也。威儀如王者師。國主有時而拜服。貞紅袈沙升堂問話講經與南朝等。僧錄。僧正。帥府僧職也。皆擇其道行高者限三年爲任。任滿則又別擇人。張官府設人從僧尼有訟者。皆理而決遣之。竝服紫袈裟。都綱。列郡僧職也。亦以三年爲任。有師號者賜紫。無者如常僧服。維那。縣僧職也。僧尼有訟者杖以下決遣之。杖以上者竝申解僧錄都綱司。

道教

金國崇重道教。與釋教同。自奄有中州之後。燕南。燕北皆有之所設道職。于帥府置司。正曰道錄。副曰道正。擇其法籙精專者授之。以三年爲任。任滿則別擇人。其後熙宗又置道階。凡六等。有侍宸。授經之類。諸大貴人奉一齋施。動獲千緡。道教之傳。有自來矣。

科條

金國之法極嚴。殺人剽刦者。搘其腦而致之死。籍其家爲奴婢。親戚欲得者。以牛馬財物贖其贓。以十分爲率。六歸主。四沒官。罪輕者決柳條。罪重者贖以物。貸命則割耳鼻以誌之。其獄掘地數丈。置囚于其中。罪無輕重。悉笞背。州縣官各許專決。當其有國之初。刑法竝依遼制。常刑之外。又有二物。曰沙袋。以革爲囊。實以沙石。繫于杖頭。人有罪者。持以決其背。大率似脊杖之屬。惟數多焉。自熙宗立。始加損益。首除沙袋之制。至皇統間。又下學士院令討論條例。頒行天下。目之曰皇統新制。近千餘條。海陵弑熙宗自立。又去脊杖。以其近人心故也。斬刑者。與上古之制一也。處死者。免決重杖。止令給絞也。流者。無流罪。止流犯人之家屬也。徒者。非謂脊杖代徒。實拘役也。徒止五年。五年以上。皆死罪也。徒五年則決杖二百。四年則

百八十三年百六十二年百四十一年百二十杖無大小止以荆決臀實數也拘役之處逐郡有之曰都在院所徒之人或使之磨甲或使之上工無所不可脚腕以鐵爲鐐鎖之罪輕者用一罪重者二之朝縱暮收年限滿則逐便不妨依舊爲百姓刑法與舊不相遠唯僧尼犯姦者死強盜不論得財竝處死強姦者斬與古法異矣

赦宥

金國以赦宥最爲大事或改元或生子或冊封或遷都或災異竝皆肆赦罪減等一例放之每赦必有恩內外大小文武百官竝與覃遷一資季年一歲兩赦海陵立嘗謂赦宥非國家常典若惠姦宄則賊良民詔示天下自今以往更不議赦不兩年躬自蹈之其後復有改正隆赦迨世宗立纔數年間已降三赦然洪忠宣公松漠紀聞云北朝惜赦無効需余啣命十五年纔見兩赦一爲余觀姑叛一爲皇子生豈是時天會年間惜赦而此後不復惜邪

屯田

屯田之制出自上古金國之行比上古之制尤簡廢劉豫後慮中國懷二三之意姑置屯田軍非土女真

契丹奚家亦有之。自本部族徙居中土。與百姓雜處。計其戶口。給以官田。使自播種。以充口食。春秋量給衣服。若遇出軍之際。始給錢米。米不過十畝。錢不過數千。老幼在家。依舊耕耘。亦無不足之歎。今屯田出處。大名府。山東。河北。關西諸路皆有之。約一百三十餘千戶。每千戶止三百人。所居止處。皆不在州縣築寨處。村落間千戶百戶。雖設官府。亦在其內。

田獵

金國酷喜田獵。昔都會寧。四時皆獵。海陵遷燕。以都城外皆民田。三時無地可獵。候冬月則出。一出必逾月。后妃親王近臣皆隨焉。每獵則以隨駕軍密布四圍。名曰圍場。待狐兔猪鹿散走于圍中。國主必先射之。或以鷹隼擊之。次及親王近臣。出圍者許餘人捕之。飲食隨處而進。或與親王近臣共食。遇夜或宿于州縣。或宿郊野。無定海陵以其子光瑛年十二獲獐。取而告太廟。世宗立尤甚。有三事令臣下不諫。曰作樂。曰飯僧。曰圍場。其重田獵如此。

兵制

金國凡用師征伐。上自大元帥。中自萬戶。下至百戶。飲酒會食。略不閒別。與父子兄弟等。所以上下情通。

無閉塞之患。國有大事，適野環坐，畫灰而議。自卑者始，議畢，卽漫滅之，不聞人聲。軍將大行會而飲，使人獻策，主帥聽而擇焉。其合者，卽爲特將任其事。暨師還戰勝，又大會，問有功者，隨功高下支賞，舉以示衆。薄則增之。

大金國志卷之三十七

兩國往來誓書

大宋與大金國誓書

維宣和五年歲次癸卯三月甲寅朔四日丁巳大宋皇帝致誓書于大金皇帝闕下天之所助者信履信思乎順自天祐之吉無不利昨以大聖皇帝創興併有遼國遣使計議五代以後陷入契丹地幸感好意特與燕京涿易檀順景薊并屬縣及所管戶民緣爲遼國尙爲大金所有以自來交與契丹銀二十萬兩絹三十萬匹并燕京每年所出稅利五六分中只算一分計錢一百萬貫文合直物色常年搬送南京平州改爲南京界首交割色數已載前後往復議定國書每年并綠礮二千栲栳兩界側近人戶不得交侵盜賊逃人彼此無令停止亦不得密切閒諜誘擾邊人若盜賊并賊捉歸本國依法科罪訖賊雖不獲踪迹到處便勒留償若有暴盜或因別故合舉兵衆須得關報沿邊官司兩國疆界各令防守兩朝界內地各如舊不得遮堵道路至如將來殊方異域人使往來無得禁阻所貴久通歡好庶保萬世苟違此約天地鑒察神明速殃子孫不紹社稷傾危專具披述不宣謹白

金國回大宋誓書

維天輔七年歲次癸卯四月甲申朔八日辛卯大金皇帝致誓書于大宋皇帝闕下惟信與義取天下之大器也以通神明之心以除天地之害昨以契丹國主失道民墜塗炭肆用興師事在誅弔貴國遣使航海計議若將來併有遼國願還幽燕故地當時曾有依允迺者親領兵至全燕一方不攻自下尙念始欲惇好特與燕京涿易檀順景薊并屬縣及所管民戶與之如約今承來書緣以遼國尙爲大金所有同前云云社稷傾危本朝志欲協和萬邦大示誠信故與燕地兼同約誓苟或違之天地鑒察神明速殃子孫不紹社稷傾危如變渝在彼一准信誓不以所與爲定專復書披達不宣謹白

大宋誓書及差康王出質

契勘太上皇與大聖皇帝浮海結約欲卜萬年偶因手詔平山張覺招納叛亡至使歡盟變爲兵革遂致大金數路興師今大聖皇帝次子郎君先克京城事至于今雖悔何及專差知樞密院事李梲等趨詣軍前引過乞和正月十日乃承計議使高永張愿恭齋到文字大開容引備諒純誠拯救生靈惇結盟好載惟高義深劇感悰已戒攸司悉從定約太上皇與大金大聖皇帝及今皇帝義同兄弟今來回書當依契丹舊例禮從伯姪施行已許放黃河更不爲界其太原中山河間等府一帶所轄縣鎮分畫疆土係自大金後比至立了疆界屯兵已前于內別變亂處所當朝自當應管擒制交送至于尺土一民不令侵犯招

納若是與三府以南州軍大牙出入不齊出處臨時兩平兌易應自亡遼播越之時北界流離而來併係大金叛亡諸職官工匠教坊百姓除元不會到并已死外應有逃叛盡數遣還在京令隨逐前去在外接續發遣一無停匿殘害錯失除自來合交金銀匹帛并雜物折物決無籠惡愆期斯言之信金石不渝有違此盟神殛無赦宗社傾覆子孫不享所有其餘該載不盡合約事件竝依前立誓書施行遠冀英懷永同重誓今差給事中李鄴左武大夫高世則充計議使副伏惟照察謹白

金國元帥回奏

大金都經略處置使兩路都統斡離不正月十二日大宋皇帝遣使降到誓文大開詳審推見聖意勇于改悔來踐舊好敍定兄弟之義卜于萬代更不渝變斯乃社稷生靈之福也當司深爲感切遞解重圍收聚兵馬鈐束將校更不令驅虜殺戮旣復舊約欲成長久切慮歲輸物帛稍多難以經遠施行兼奉宣命若能悔責委酌中理會今又減放一百萬貫常年只納一百萬貫文折納并銀二十萬兩絹三十萬匹仍爲今歲分撥疆土事忙直候來年正月依舊例交納如交割結絕之後苟有違變神明得殛俾墜其師伏乞照察謹奏

大金國志卷之三十八

京府州軍

二十路

中都路

南京路

西京路

東京路

北京路

臨洮府路

會寧府路

咸平府路

河北東路

河北西路

河東南路

河東北路

山東東路

山東西路

大名府路

京兆府路

鄜延路

慶原路

熙河路

秦鳳路

京府都鎮防禦州軍等級。

京都六留守司五處

上等二處

中都大興府

中等三處

南京開封府

北京大定府

西京大同府

都運司一處大興府置司

中都路

轉運司十三處

南京路開封府置司

西京路大同置司

河東南路平陽置司

山東東路益都置司

河北東路河間置司

陝西東路京兆置司

會寧府路隆州置司

統軍司三處

南京路南京置司

東京遼陽府

上京會寧府地名金源

北京路大定置司

東京路咸平置司

河東北路太原置司

山東西路東平置司

河北西路真定置司

陝西西路平涼置司

陝西路京兆置司

山東路益都置司

招討司三處

西南路豐州置司

東北路泰州置司

西北路桓州置司

提刑司九處

中都西京路

北京臨潢路臨潢置司

上京曷懶等路上京置司二

河北東西大名府河閒置司

山東東西路濟南置司

總管府十四處

上等七處

平陽府建雄軍

益都府鎮海軍

真定府成德軍

東平府天平軍

南京路南京置司

東京咸平府路東京置司

河東西北路汾州置司

陝西東西等路平涼置司

京兆府永興軍

大名府天雄軍

中等四處

河閒府瀛海軍

臨洮府鎮洮軍

下等三處

延安府彰武軍

臨潢府地名西樓

散府八處

上等二處

河中府護國軍

中等三處

歸德府宣武軍

平涼府平涼軍

太原府勇武軍

慶陽府安國軍

鳳翔府鳳翔軍

咸平府安東軍

濟南府

河南府德昌軍

下等三處

廣寧府

興平府

彰德府

節鎮三十九處

上等十處

絳州絳陽軍

懷州沁南軍

密州安化軍

潞州昭義軍

冀州安武軍

定州定武軍

萊州定海軍

滄州橫海軍

汾州汾陽軍

邢州安國軍

中等十處

代州振武軍

雄州永定軍

兗州泰定軍

同州定國軍

保州順天軍

鄆州靜難軍

涇州彰化軍

奉聖州武定軍

下等十九處

蔚州忠順軍

許州昌武軍

豐州天德軍

鄧州利汝軍

鞏州通遠軍

應州彰國軍

益州遼海軍

懿州寧昌軍

泰州德昌軍

桓州威遠軍

朔州順義軍

平州興平軍

義州崇義軍

徐州武寧軍

嵐州鎮西軍

鄜州保大軍

隆州利汝軍

雲內州開遠軍

宗州歸化軍

錦州臨海軍

衛州河平軍

上等七處

博州

洺州

孟州

沂州

中等七處

清州

華州

鄭州

宿州

下等七處

陝州

隸州

秦州

德州 棱州 亳州
濟州 華州 茶州
泗州 濬州 沔州
河州 肇州 陳州

隴州

刺史七十五處

上等十四處

解州

沃州

澤州

耀州

原州

隰州

會州

中等二十五處

涿州

灤州

曹州

景州

深州

石州

環州

汝州

蘭州

德順州

薊州

瀋州

淄州

單州 初州 登州
沁州 濱州 恩州 邯州

順州 易州

下等三十六處

坊州 乾州

鄆州

恩州

濱州

沁州

初州

登州

嵩州 唐州 遼州 海州 濰州 濟州 開州 丹州 寧州 通州 霸州 利州

信州 慶州 澄州 宏州 睢州 壽州 莫州 威州 滑州 宣德州
淨州 忻州 獻州 商州 滅州 洪州 雁州 滅州 建州 韓州 復州
安州 安肅州 貴德州

安州 安肅州 貴德州 復州 韓州 建州 蠱州 武州 管州 濘州
撫州 汾州 吉州 賴州 濘州 武州 管州 蠱州 武州 賴州 濘州
撫州 汾州 吉州 賴州 濘州 武州 管州 蠱州 武州 賴州 濘州

寧邊州

十六軍竝改作州。

上等三州

泰安州

寧海州

中等三州

平定州

莒州

下等十州

岢嵐州

保德州

綏德州

蔚州

積石州

東勝州

騰州

鈞州

寧化州

隩州

保安州

鎮戎州

來遠州

總計京府州軍一百七十九處。
城寨保關一百二十二處。
縣六百八十三處。
鎮四百八十八處。
添稅務一百八十二處。

大金國志卷之三十九

初興風土

女貞在契丹東北隅。地饒山林。田宜麻穀。土產人參、蜜蠟、北珠、生金、細布、松實、白附子。禽有鷹、鶴、海東青之類。獸多牛、馬、麋、鹿、野狗、白彘、青鼠、貂鼠。其人勇悍善騎射。喜耕種。好漁獵。每見野獸之蹤跡而求之。能得其潛伏之所。又以樺皮爲角。吹呦呦之聲。呼麋鹿而射之。其居多依山谷。聯木爲柵。或覆以板與樺皮如牆壁。亦以木爲之。冬極寒。屋纔高數尺。獨開東南一扉。扉旣掩。復以草綢繆塞之。穿土爲牀。煴火其下。而寢食起居其上。厚毛爲衣。非入室不撤衣屨。稍薄。則墮指裂膚。唯盛暑如中華內地。俗勇悍喜戰鬥。耐飢渴苦辛。騎上下崖壁如飛。濟江河不用舟楫。浮馬而渡。其樂唯鼓笛。其歌惟鷗鵝曲。第高下長短如鷗鵝聲而已。其疾病無醫藥。尙巫祝。病者殺猪狗以禳之。或用車載病者入深山大谷以避之。其親友死。則以刀磬額。血淚交下。謂之送血淚。死者埋之而無棺槨。貴者生焚所寵奴婢。所乘鞍馬以殉之。其祀祭飲食之物盡焚之。謂之燒飯。其道路無旅店。行者息于民家。主人初則拒之。拒之不去。方具飲食而納之。其市無錢。以物博易。無工匠。其舍屋車帳。往往自能爲之。其禮則拱手退身。跪右膝。蹲左膝。拱手搖肘爲

拜其節序元旦則拜日相慶重五則射柳祭天稅賦無常隨用度多寡而斂之與契丹言語不通而無文字賦斂科發刻箭爲號事急者三刻之多以牛驢負物遇雨則張牛革以禦之緩則射獵急則戰鬥宗室皆謂之郎君事無大小皆屬焉

男女冠服

金俗好衣白辯髮垂肩與契丹異垂金環留顱後髮繫以色絲富人用珠金飾婦人辯髮盤髻亦無冠自減遼侵宋漸有文飾婦人或裹逍遙巾或裹頭巾隨其所好至于衣服尙如舊俗土產無桑蠶惟多織布貴賤以布之粗細爲別又以化外不毛之地非皮不可禦寒所以無貧富皆服之富人春夏多以紵絲綿紬爲衫裳亦間用細布秋冬以貂鼠青鼠狐貉皮或羔皮爲裘或作紵絲四袖貧者春夏並用布爲衫裳秋冬亦衣牛馬豬羊貓犬魚蛇之皮或獐鹿皮爲衫袴襪皆以皮至婦人衣白大襖子下如男子道服裳曰錦裙去左右各闊二尺許以鐵條爲圈裏以繡帛上以單裙籠之

婚姻

金人舊俗多指腹爲婚姻既長雖貴賤殊隔亦不可渝壻納幣皆先期拜門親屬偕行以酒饌往少者十

餘車多至十倍飲客佳酒則以金銀旋貯之其次以瓦旋列于前以百數賓退則分餉焉先以烏金銀盃酌飲貧者以木酒三行進大軟指小軟指如中國寒具次進蜜餞人各一盤曰茶食宴罷富者淪建茗留上客數人啜之或以粗者煎乳酪婦家無大小皆坐炕上婿黨羅拜其下謂之男下女禮畢婿牽馬百匹少者十四陳其前婦翁選子姓之別馬者視之好則留不好則退留者不過什二三或皆不中選雖婿所乘亦以充數大抵以留馬少爲恥女家亦視其數而厚薄之一馬則報衣一襲婿皆親迎既成婚留于婦家執僕隸役雖行酒進食皆躬親之三年然後以婦歸婦用奴婢數十戶牛馬數十羣每羣九牡一牡以資遣之夫謂妻爲薩那妻謂夫爲愛根

一云婚家富者以牛馬爲幣貧者以女年及笄行歌于途其歌也乃自敍家世婦工容色以伸求侶之意聽者有求娶欲納之則攜而歸後方具禮偕來女家以告父母死則羣母兄死則其嫂叔伯死則姪亦反之無論貴賤人有數妻

飲食

飲食甚鄙陋以豆爲漿又嗜半生米飯漬以生狗血及蒜之屬和而食之嗜酒好殺釀米爲酒醉則縛之俟其醒不爾殺人

大金國志卷之四十

許奉使行程錄

宋著作郎許元宗爲賀金主登位使。時太宗嗣立之次年，在宋爲宣和六年也。自雄州起，直至金主所都會寧府，共二千七百五十里。是時金國禮南使甚厚，猶未渝盟。今自臨安府餘杭門起至雄州三千二百七十里。又自雄州至上京會寧府二千七百五十里。通計六千零二十里。

第一程 自雄州六十里至新城縣

離州三十里至白溝巨馬河。源出代郡淶水，由易水界至此合流，東入于海。河闊止十數丈。南宋與契丹以此爲界。舊容城縣附雄州歸信縣寄里。自壬寅年冬于河北岸創築容城縣新壘。過河三十里到新城縣。契丹阿保機入寇，唐莊宗以鐵騎五千敗之于新城。卽此地舊爲契丹邊面，自與宋朝結好。百餘年間，樓壁僅存。

第二程 自新城縣六十里至涿州。

涿州古涿郡。黃帝與蚩尤戰于涿鹿之野，卽此地。昔爲契丹南寨邊城。樓壁竝存。及郭藥師舉城內屬。

不經兵火人物富盛井邑繁庶近城有涿河劉李河合范河東流入海故名范陽。

第三程 自涿州六十里至良鄉縣。

良鄉乃唐莊宗時趙德鈞鎮邊幽州歲苦契丹侵鈔轉餉乃于鹽溝置良鄉縣卽此地置燕山府自經兵火之後屋舍居民靡有孑遺帥臣復加修築樓壁奕然更新離良鄉三十里過盧溝河水極湍激每候水淺深置小橋以渡歲以爲常近年都水監輒于此河兩岸造浮橋建龍祠宮彷彿如黎陽三山制度。

第四程 自良鄉六十里至燕山府。

燕山乃古冀州地舜以冀州廣遠分置幽州以其地在北方幽陰之地東有朝鮮遼東北有樓煩白檀西有雲中九原南有滹沱易水唐置范陽節度臨制奚契丹自晉割賂建爲南京又爲燕京析津府戶口安堵人物豐庶州宅用契丹舊大內壯麗夐絕城北有市陸海百貨萃于其中僧居佛寺冠于北方綿繡組綺精絕天下蔬蓏果實稻粱之類靡不畢出桑柘麻麥羊豕雉兔不問可求水甘土厚人多技藝民尙氣節秀者讀書次習騎射耐勞苦旣城後遠望數十里宛然如帶回環繚繞形勢雄傑真用武之國也國初更府名曰燕山軍額曰清成周圍二十七里樓壁高四十尺樓計九百一十座地塹三重城門八閘。

第五程 自燕王府八十里至潞縣。

潞縣東半里許有潞沙。曹操征烏丸。袁尚等鑿渠自滹沱由派水入潞沙。即此地也。

第六程 自潞縣七十里至三河縣。

三河縣隸薊州。後唐趙德鈞于幽州東置三河縣以護轉輸。即此。

第七程 自三河縣六十里至薊州。

薊州乃漁陽也。因問天寶祿山舊事。人無能知者。

第八程 自薊州七十里至玉田縣。

玉田縣之東北去景州百二十里。自甲辰年金人雜奚人直入城劫擄。每邊人告急。四月之內凡三至。盡屠軍民一火而去。宣撫使王安中創築此縣。後改爲經州。

第九程 自玉田縣九十里至韓城鎮。

鎮有居民可二百家。竝無城。

第十程 自韓城鎮五十里至北界清州。

出韓城鎮東行十餘里至金國所新立地界。竝無溝塹。惟以兩小津堠高三尺許。其兩界地東西闊約一里許。內兩界人戶不得耕種。行人竝依奉使契丹條例。所至州備車馬護送至界首。前期具國信使

副職位姓名關牒。北界備車馬人夫以待。彼中亦如期差接伴使副于界首伺候。兩界各有幕次行人。先令引接齋國信使副門狀過彼。彼亦令引接以接伴使副門狀回示。仍請過界于例三請方上馬。各于兩界心對馬立。引接互呈門狀。各揚鞭虛揖如儀。以次行焉。四十里至清州。各相勞問。州元是石城縣。金國新改爲清州。兵火之後。居民纔百餘家。是晚酒五行進飯。其食品不可向口。自此以東。遇館頓或宿程。其供應人旋于居民漢兒內選之。每遇迎送南使。則給銀牌入。主幹者各懸一枚于腰間。名曰銀牌天使。

第十一程 自清州九十里至灤州。

灤州古無之。唐末天下亂。阿保機攻陷平營。劉守光據幽州暴虐。民不堪命。多逃亡。依阿保機爲主。築此以居之。州處平地。負麓面岡。東行三里許。亂山重疊。形勢險峻。河經其閒。河面闊三百步。亦控扼之所也。水極清深。臨河有大亭。名曰灌清。爲塞北之絕郡。守將迎于此回程。錫宴是州。

第十二程 自灤州四十里至望都縣。

民旣入契丹。依阿保機。卽于所居處創立縣名。隨其來處鄉里名之。故有望都安喜之號。唐莊宗以鐵騎五千退保望都。卽此縣也。

第十三程 自望都縣六十里至營州。

營州古柳城。舜築也。乃殷之孤竹國。漢唐遼西地。金國討張穀。是州之民屠戮殆盡。存者貧民十數家。是日行人館于州宅。古屋十數楹。庭有大木十數株。枯腐蔽野。滿目淒涼。使人有弔古悼亡之悲。州之北六七里間有大山數十。其來甚遠。高下皆石。不產草木。特立州後。如營衛然。恐州以此得名。

第十四程。自營州一百里至潤州。

離營州東行六十里至渝關。竝無堡障。但存遺趾。有居民三數家。登高四望。東自碣石。西徹五臺。幽州之地。沃野千里。北限大山重巒。中有五關。居庸可以行大車。通轉餉。松亭、金坡、古北口。止通人馬。不可行車。外有十八路。盡兔徑鳥道。止能通人。不可行馬。山之南地。則五穀百果。良材美木。無所不有。出關未數十里。則山童水濁。皆瘠鹵彌望。黃茅白草。莫知其極。蓋天設此以限南北也。自茲以東。類皆如此。更不再敍。

第十五程。自潤州八十里至遷州。

彼中行程。竝無里堠。但以行徹一日。卽記爲里數。是日行無慮百餘里。金人居常行馬。率皆奔軼。此日自早飯罷行至暝方到。道路絕人煙。不排中頓。行人飢渴甚。自茲以東。類皆如此。

第十六程。自遷州九十里至習州。

遷州東門外十數步。卽古長城所築遺址。宛然。

第十七程 自習州九十里至來州。

無古迹所云。

第十八程 自來州八十里至海雲寺。

離來州三十里卽行海東岸俯挹滄溟與天同碧窮極目力不知所際寺去海半里許寺後有溫泉二池望海東有一大島樓殿萃堵坡之上有龍宮寺見安僧十數人是夜行人皆野盤。

第十九程 自海雲寺一百里至紅花務。

此一程盡日行海岸紅花務乃金人煎鹽所去海一里許至晚金人饋魚數十枚烹作羹味極珍。

第二十程 自紅花務九十里至錦州。

自出榆關東行路如平掌此微有登陟經由十三山下。

第二十一程 自錦州八十里至劉家莊。

是後行人俱野盤。

第二十二程 自劉家莊一百里至顯州。

出榆關以東行南瀕海北限大山盡皆粗惡不毛至山忽峭拔摩空蒼翠萬仞全類江左乃醫巫閭山也成周之時以醫巫閭作鎮其遠如此。

第二十三程 自顯州九十里至兔兒渦。

第二十四程 自兔兒渦六十里至梁魚務。

離兔兒渦東行卽地勢卑下盡皆萑苻沮洳積水是日凡三十八次渡水多被溺名曰遼河瀕河南北千餘里東西二百里北遼河居其中其地如此隋唐征高麗路皆由此秋夏多蚊虻不分晝夜無牛馬能致行以衣被包裹脣腹人皆重裳而披衣坐則蒿草薰煙稍能免務基依水際居民數十家環繞彌望皆荷花水多魚徘徊久之頗起懷鄉之思。

第二十五程 自梁魚務百零三里至沒咄寨。

離梁魚務東行六十里卽過遼河以舟渡闊狹如淮過河東亦行淀五十里舊廣州惟古城有貧民三五家是夜宿沒咄寨。

第二十六程 自沒咄寨八十里至瀋州。

第二十七程 自瀋州七十里至興州。

契丹阿保機破勃海國建爲東京路自此所至屋宇雖茅茨然居民稍盛食物充足離興州五十里至銀州中頓又四十里至咸州。

第二十八程 自興州九十里至咸州。

未至咸州一里許有幕屋數間供帳皆備州守出迎禮如制就坐樂作有腰鼓蘆管笛琵琶方響箏笙
簫箎大鼓拍板曲調與南朝一同酒五行樂作迎歸館次日早有中使撫問別一使賜酒果一使賜宴
赴州宅就坐樂作酒九行食品雜進名曰茶飯金國每賜宴必貴臣押伴是日押伴貴臣被酒輒大言
說金國強盛控弦百萬無敵于天下使長折之曰宋有天下二百年幅員三萬里勁兵數百萬豈爲弱
邪某啣命遠來賀大金皇帝登寶位大金皇帝止令大尉來伴行人酒食何嘗令大言以相罔也辭色
俱厲押伴者氣懾及賜宴畢例有謝表曰祇造鄰邦中使讀之曰使人輕我大金也表辭不當用邦字
論語云蠻貊之邦使長正色而言曰書不云乎協和萬邦詩不云乎周雖舊邦皆邦字而中使止誦此
一句以相問表不可換須到闕下當與讀書人理會中使無多言中使無以答使長許元宗饒之樂平
人以材被選爲人蘊籍似不能言者臨事敢發如此金人壯之

第二十九程 自咸州九十里至同州

自咸州四十里至肅州又五十里至同州離咸州卽北行州平地壤居民所在成聚落新稼始遍地宜
穄黍東望大山金人云此新羅山山內深遠無路可行其間出人參白附子深處與高麗接界山下至
所行路可三十里

第三十程 自同州三十里至信州

回程錫宴于此。

第三十一程 自信州九十里至蒲里李董寨。

第三十二程 自蒲里四十里至黃龍府。

契丹阿保機初攻渤海射黃龍于此地卽建爲府是日州守迎迓如儀有中使撫問賜酒果錫宴一如咸州制自此東行。

第三十三程 自黃龍府六十里至托撒李董寨。

府爲契丹東寨當契丹強盛時擒獲異國人則遷徙散處于此南有渤海北有鐵離吐渾東南有高麗
靺鞨東有女真、章室北有烏舍西北有契丹回紇黨項西南有奚故此地雜諸國俗凡聚會處諸國人
言語不通則各爲漢語以證方能辨之。

第三十四程 自托撒九十里至漫七離李董寨。

道傍有契丹舊益州賓州空城。

第三十五程 自漫七離一百里至和里閒寨。

漫七離行六十里卽古烏舍寨寨枕混同江渭其源來自廣漠之北遠不可究自此有南流五百里接
高麗鴨綠江入海江面闊可半里許寨前高岸有柳樹沿路設行人幕次于下金人乞師李靖居于是。

靖累使南朝。此排中頓。由是飲食精細絕佳。時當仲夏。籍樹陰。俯瞰長江。涼颸拂面。槃礴少頃。殊忘鞍馬之勞。過江四十里。宿和里閒寨。

第三十六程 自和里閒寨九十里至句孤宰董寨。

自和里閒寨東行五里。卽有潰堰斷塹。自北而南。莫知遠近。界隔甚明。乃契丹昔與女真兩國古界也。八十里直至來流河。行終日無寸木地不產泉。人攜水以行。豈天以限兩國也。來流河闊三十餘丈。以船渡之。五里至句孤寨。自此以東。散處原隰間。蓋女真人更無別族。無市井。買賣不用錢。惟以物相貿易。

第三十七程 自句孤寨七十里至達河寨。

第三十八程 自達河寨四十里至蒲撻寨。

是日金使前來排辦祇候。

第三十九程 自蒲撻寨五十里至館。

行二十里至兀室郎君宅。接伴使副具狀辭。館伴使副于此始見。如接伴禮。金國每差接伴館伴送伴諸客省使。必于女真、渤海、契丹人物白皙詳緩。能漢語者爲之。復有中使撫問。賜酒果宴。並如常儀。畢。又行三十里至館。館惟茅舍數十間。堂室皆帢幕。武夫守護甚嚴。此去北庭尚十里。是日賜酒果。次早

館伴同行馬可五七里。一望平原曠野間有民居千餘家星羅棋布更無城郭里巷率皆背陰向陽又三里命去傘近闕北乍百步有阜宿圍繞三數頃竝高丈餘云皇城也至于宿門就龍臺下馬歇定酒三行少頃聞鞞鼓聲入歌引三奏樂作閣門使及祇坐班引入卽奉國書及陳禮物于庭下傳進如儀贊通拜舞抃蹈訖使副上殿以次就坐餘竝退山棚之左曰桃源洞右曰紫微洞中作大牌曰翠微宮高五七丈建殿七棟甚壯榜額曰乾元殿塔高四尺階前土壇方闊數丈名曰龍墀殿內以兵數千人分兩壁立四面興築架屋數千百間金主御座前施朱漆銀裝金几按果楪酒器皆金玉酒味食品皆珍美樂部二百人乃契丹教坊四部也酒行食畢各賜襲衣袍帶使副以金餘人以銀謝畢歸館次日中使賜酒果復賜餼以綿帛折充次日再謁北庭赴花宴竝如儀酒三行樂作鳴鈸擊鼓百戲出場酒五行各起就帳戴色絹花各二十餘枚謝罷復坐酒七行歸館次日又有中使賜酒果復有貴臣就賜食并伴射于館內庭下乃設樂酒三行伴射貴臣館伴使副國信使副離席就射三矢弓弩從便用之勝負各有差就賜襲衣鞍馬次日朝辭儀如見時酒果畢就殿上請國書奉下殿賜使副襲衣物帛鞍馬三節人物各有差拜辭訖就館酒行樂作名爲惜別之會又曰換衣燈宴酒三行各出衣服三數件或幣帛交遺常時相聚惟勸酒食不敢多言至此夜語笑甚款不計巡以醉爲度皆舊例也次日回程起發至兀室郎君宅館伴使副展狀辭送伴使副于此相見如儀有中使撫問賜酒果皆如來時至信

州、灤州同。此回程不再敍。至清州將出界。送伴使副夜具酒食。亦爲惜別之會。出衣服數件。或幣帛交遺。情意甚勤。次早發行。至界有幕。次下馬而望吾界。旗幟甲馬車輿帘幕以待。人皆有喜色。少頃樂作。酒五行。上馬復同送伴使副過我幕。次作樂。酒五行。上馬復送至兩界中。彼使副回馬對立。馬上一盃。換所執鞭。以爲異日之記。引接展狀舉鞭揖。則各背馬回顧。少頃進數步。躊躇爲不忍之狀。如是乃行。彼中人情皆悽惻。爲之揮淚。南人無之。